



COMUNU DE SANTA JUSTA
Provìntzia de ARISTANIS

REGULAMENTU AUTOMESUS

ALLEGAU A SA DELÌBERA C.C. N. 27 DE SU 15.03.1996

Art. 1
Argumentus e punnas

1. Custu regulamentu disciplinat s'usu e sa gestioni de is automesus de su Comunu de Santa Justa.
2. Is automesus de su Comunu de Santa Justa si depint usai sceti po arraxonis de servìtziu.

Art. 2
Distintivu

1. Is automesus de su Comunu de Santa Justa depint portai unu distintivu apostu chi si depit scerai beni in sa parti de segus de su veìculu.
2. Me in is sportellus a perparti de is mesus chi tenint is dotatzioni sceti unas cantu àreas, si depit scerai beni sa scritta "Polizia Municipale" o "Ufficio Tecnico".

Art.3
Responsàbili de sa gestioni de is automesus

1. Su Responsàbili de s'àrea de manutentzioni est responsàbili de is automesus de s'Enti, sarvu cussus chi tenint in usu sceti un'àrea chi at a essi responsàbili su responsàbili de s'àrea etotu. Candu ammancat o est strobba sa gestioni si donat a chi rempratzat su responsàbili.
2. Su responsàbili de sa gestioni de is automesus de s'Enti ndi càstiat s'usu apurendi e disponendi:
 - a) de ddus usai beni cunforma a su servìtziu chi ddis ant assinnau;
 - b) de fai arrifornimentu de carburanti cun is bonus, chi firmat s'Ecònomu, chi si lassant cunforma a su tretu fatu e chi funt de arregistrai in sa scheda de màrcia;
 - c) de fai ònnia dii is cuntrollus ordinàrius (apurendi is livellus de lìcuidus, frenus, luxis e sighendi), is manutentzionis periòdicas chi narant is fàbricas e aici etotu is interventus straordinàrius po aconciai guastus agataus;
 - d) de lassai limpius is mesus aintru e a foras donendi-ndi su servìtziu po ddus limpias a autolavàgius pùblicos a asta pùblica.
3. Su responsàbili de sa gestioni de s'automesu s'incurat de allogai una scheda intestada a s'automesu etotu innui ònnia mesi annotat is spesas po su carburanti e s'ollu, po sa manutentzioni ordinària e straordinària, po sa tassa de propiedadi e assecuratzioni e totu àteras novas chi serbint a sa gestioni sua.
4. Su ghiadori, comenti a sub-cunsinnatàriu, torrat sceda de su càstiu, de s'allogadura, de s'usu fatu beni e de sa manutentzioni.

Art.4
Usu de is automesus

1. S'autorizatzioni de is automesus dda disponint is Responsàbilis de is servìtzius de su Comunu avatu a is dipendentis de s'Ufitziu, bastit chi tèngiant patenti de ghia, apurada chi siat sa disponibilitadi in su servìtziu automesus.
2. S'autorizatzioni si fait a scritu in su libretu de màrcia de s'automesu e pertocat siat s'usu siat sa ghia.
3. Su Sìndigu, is Assessoris e sa Segretària Comunali podint disponi de is mesus pedendi a is Vigilis urbanus e a is impiegaus de s'Ufitziu Tènicu de si fai acumpangiai po abisòngius de servìtziu. Sèmpiri po abisòngius de servìtziu su Sìndigu podit disponi de fai acumpangiai àterus consilleris comunalis e sa Segretària Comunali o àterus dipendentis.

Art.5
Usu de su scolabus

S'usu de su Scolabus, biu ca ammàncat genti in s'orgànicu si podit donai in apaltu cun gara a licitatzioni privada. Is cumpetènzias e is responsabilidades de su ghiadori s'ant a poni in contu in su cuntratu de afidamentu de su servìtziu chi at a aprovai sa Giunta Comunali.

Art.6
Tassas e asseguratzioni

1. Su responsàbili de sa gestioni de is automesus s'at a incurai de fruniri a sa Segretària Comunali còpia de is detèrminas de pagamenti de is tassas automobilisticas de s'asseguratzioni.

Art.7
Liburetu de màrcia

1. Is veìculus ant a depi teni avatu unu liburetu de màrcia, segundu a su mollu in s'allegau A, innui s'ant a annotai is autorizatzioni a s'usu, is arraxonis, is tretus fatus e is arrifornimentus de carburanti e ollu.

2. A su mesi su liburetu de màrcia ddu at a apurai su responsàbili de sa gestioni de is automesus, po aggiornai sa scheda chi est in su comma 3 de s'art.3

Art.8
Cessioni in totu de is automesus

1. Cun delibera de sa Giunta s'at a podi disponi sa cessioni de sa proprietadi de is automesus chi non funtzionant prus e comenti si siat chi si creint de non serbiri prus po su traballu de is ufitzius e de is servìtzius de su Comunu de Santa Justa.

2. Sa cessioni de sa proprietadi de is automesus a titulu onerosu at a depi sighiri infatu a s'incantu pùblicu, cun ofertas in crèscida asuba de sa basi de asta chi at stabiliu sa Giunta cun proposta de su responsàbili de sa gestioni de is automesus. Acontessendi de non pigai parti nemus a s'incantu pùblicu sa cessioni s'at a podi disponi cun tratativa privada.

Art.9
Arriferimentus

Po totu cussu chi non s'est postu in contu in custu Regulamentu, si fait arriferimentu, po is disponimentus de su setori, a su Regulamentu de cuncordadura, a su Regulamentu de contabilidadi e a àterus Regulamentus de s'Enti.

Art.10
Intrada in Vigori

Custu Regulamentu intrat in vigori sa primu dii de su mesi afatanti a cussa chi s'est fata o decrarada esecutiva sa delibera de consillu de aprovamentu.